

1 Julai, 1981

# Perlantikan Mahathir, Musa dialu2

IPOH, Selasa — Berjasa Negeri Perak hari ini mengalu-alukan dan mengucapkan tahniah di atas perlantikan Datuk Seri Dr. Mahathir Mohamad sebagai Presiden baru UMNO.

Pesuruhjaya Berjasa Perak, Ustaz Osman Bakar berharap pemilihan baru Majlis Tertinggi UMNO itu akan memberi kekuatan kepada UMNO dan Barisan Nasional amnya.

"Saya juga berharap pemilihan tersebut akan menentukan kestabilan politik negara," katanya ketika ditemui di sini, hari ini.

Bellau juga mengalu-alukan langkah Menteri Kewangan, Tengku Razaleigh Hamzah untuk terus berkhidmat dengan UMNO dan kerajaan.

Ustaz Osman berkata, Berjasa Negeri Perak akan terus memberi sokongan kepada UMNO dan Barisan Nasional demi memperkuatkan kerajaan.

Di samping itu, tambahnya, Berjasa Perak juga akan memperkuatkan kedudukannya di negeri ini.

Mengenai projek Kongres Ekonomi Islam, Ustaz Osman berkata, kongres itu mungkin diadakan pada Ogos atau September tahun ini.

Katanya, Berjasa sedang berunding dengan Dewan Perniagaan dan Perusahaan Melayu Perak untuk menyelaraskan pelaksanaan kongres tersebut.

"Perundingan dengan Menteri Besar Perak telah dibuat dan beberapa jawatankuasa akan dibentuk," tambahnya.

Katanya, kertas kerja yang akan dibentangkan di kongres itu antara lain akan menyentuh penglibatan umat Islam dalam perniagaan dan perindustrian Bank Islam — dan masalah-masalah perniagaan bagi orang-orang Islam.

Bahan asal dari Arkib  
Negara Malaysia